

# 東醫寶鑑 序

醫者 雅言軒岐，軒岐上窮天紀，下極人理 宜不屑乎記述 而猶且說問著難垂法後世 則醫之有書厥惟遠哉.

上自倉越 下逮劉張朱李 百家繼起 論說紛然 剽竊緒餘 爭立門戶 書益多而術益晦 其與靈樞本旨 不相逕庭者 鮮矣.

世之庸醫 不解窮理 或倍經訓而好自用 或泥故常而不知變 眩於裁擇 失其關鍵 求以活人而殺人者 多矣.

我宣宗大王 以理身之法 推濟衆之仁 留心醫學 軫念民瘼 嘗於丙申年間 召太醫(臣)許浚 教曰 近見 中朝方書 皆是抄集庸瑣 不足觀爾 宜哀聚諸方 輯成一書.

且人之疾病 皆生於不善調攝 修養爲先 藥石次之 諸方浩繁 務擇其要 窮村僻巷 無醫藥而夭折者多，我國鄉藥多產 而人不能知爾 宜分類並書鄉名 使民易知.

浚退與儒醫鄭碁 太醫楊禮壽 金應鐸 李命源 鄭禮男等 設局撰集 略成肯綮 值丁酉之亂 諸醫星散 事遂寢

厥後先王 又教許浚 獨爲撰成 仍出內藏方書五百卷 以資考據撰 未半而龍馭賓天至，聖上卽位之三年庚戌 浚始卒業而投 進目之曰東醫寶鑑 書凡二十五卷，

上覽而嘉之 下教曰 陽平君 許浚, 曾在先祖 特承撰集 醫方之命 積年覃思 至於竄謫 流離之中 不廢其功 今內編帙 以進仍念 先王命撰之書 告成於寡昧嗣服之後 予不勝悲感 其賜浚太僕 馬一匹 以酬其勞 速令內醫院 設廳鉦梓 廣布中外 且命提調 廷龜撰 序文升之卷首

臣竊念 太和一散 六氣不調 癰殘扎瘡 迭爲民災 則爲之醫藥 以濟其夭死 是實帝王仁政之先務 然術非書則不載 書非擇則不精 採不傳則理不明 傳不廣則惠不布.

是書也 該括古今 析衷羣言 採本窮源 挈綱提要 詳而不至於蔓 約而無所不包.

始自內景外形分爲雜病 諸方 以至脈訣 症論 藥性 治法 攝養要義 鍼石 諸規靡 不畢具并 井不紊卽病者 雖千百 其候而補瀉 緩急泛 應曲當盖不必.

遠稽古籍 近搜旁門 惟當按類尋方 層見疊出 對證投劑如符左契 信醫家之寶鑑 濟世之良法也.

是皆先王指授之妙筭而 我聖上繼述之盛意 則其仁民愛物之德 利用厚生之道 前後一揆 而中和位育之治 亶在於是語 曰仁人之用心 其利傳哉 豈不信然矣乎.